

16 di marsu di 2022

Prezados menbrus di komitê di skola,

Na kuarta-fera 23 di marsu di 2022, Komitê di Skolas ta vota na orsamentu pa ano fiskal 2023 pa Skolas Publikas di Boston. Orsamentu total di fundu jeral pa ser konsideradu é **\$1.334.845.508**.

Nu ta avansa en direson pa es metas ku novus investimentos di Presidenti di Kamara Wu i di Sidadi di Boston. Nu aproveita apoio finanseru sen igual di nos sidadi pa kria nos “Garantia di Kualidadi”. Ku uzu di un investimentu operasional di \$110 milyon na 3 ano, nu sta trabadja pa garanti un linha di base di servisus na tudu skolas atraves di speriansias di altu kualidadi independentimenti di skola, programa ô bairro. Es garantia di kualidadi ta kresi pa aumenta apoio pa studantes i famílias, kurrikulo i akadémikus, fasilidadis i enrikesimentu.

Oji, nos pruposta final pa nhos revizon (na forma di tabelas di orsamentu aneksu) ta ser kolokadu online i konpartilhadu ku Menbrus di Komitê di Skola. Es memorando ta resumi mudansas refletidu na es pruposta en relason a orsamentu orijinal prupodu na 2 di fevereru di es ano.

Mudansas na Orsamentu di Skolas

Kada ano, orsamentu inisial prupodu ta konté un numero adisional reservadu ki nu ten intenson di likuida parsialmenti atraves di prusesu di orasamentu. Es reservas ta mantedu na orsamentu di skritório i é eventualmenti transferidu pa orsamentu di skolas. Dibaxu sta resumi di kes mudansas pa es ano. Nhora inda nu sta manti algun di kes reservas ki ta ser likuidadu duranti veron i otonu, kes sigintis fundus dja foi transferidu di reservas sentral pa orsamentu di skolas:

- Mudansas pa konfigurason di skolas - K-8 ki konverte pa K-6 (Trotter, King) i liseus ki adisiona 7^a i 8^a series (Liseu Burke i Brighton): \$1.795.618
 - Trotter & King: tra salas di aulas di 7^a i 8^a serie i postus di ensino spesializadu, reduzi WSF i alokason di Title I, ajusta psikólugu di tenpu intergral di skolas. Izentu di responsabilidadadi pa tudu kes otus postus i linhas ki é ka di pesoal.
 - Burke & Brighton: adisiona salas di aulas di 7^a i 8^a serie i puzison di ensino spesializadu, aumenta WSF, verbas suplementares, i alokason di Title I, aumenta psikólugu di tenpu intergral na skola, adisiona un bibliotekário di tenpu intergral, aumenta oferta i substitui valores orsadu.
 - P.A. Shaw: nos ekipa tanbé ta trabadja ku P.A. Shaw pa adisiona 4^a serie pa prósimu ano letivo. Kel li inda ka sta refletidu na orsamentu di skola; el sta atualmente mantidu en reserva enkuantu nu ta trabadja ku lideres di skola pa modifika ses programa.
- Liseu Madison Park Technical Vocational: Lider di skola, en kolaborason ku Chefi di Skolas i superintendentes di skolas, dja disidi na poi limiti na matrikula. Komu resultadu, ses alokason di WSF diminui pa \$586.965.

- Implimenta expanson di psikólugu di skola, kria un relason di 1 psikólugu pa kada 500 alunus, pa atendi padrons nasional: \$2.334.556 pa más di 22 FTE na tudu skolas
- Implimentason di expanson di bibliotekas i bibliotekários: \$3.588.156 ki ta reprezenta 33.5 FTE pa 38 skolas
- Disizon di alokason di base na skola revisadu pa Komitê di Revision di Orsamentu di Skola: Aumenta orsamentu di skolas individual pa \$999,234.
 - Mudansa ki sta afeta txeu skolas relasionadu ku monitoris pa almosu: atualizadu formula pa monitoris di almosu FTE pa inklui projeson di 6^a serie. Nu adisiona 15 monitoris di almosu pa un kustu total di \$139,740.
- Finaliza disizon di verbas suplementares basiadu na skolas: aumenta orsamentu individual di skolas pa \$1.633.412
 - Manti 30 monitoris di almosu na skolas
 - Izentu di responsabilidadi pa Skolas King, Trotter, Burke, i Brighton komu parti di expanson di series 7-12.
 - Rekizitus di konformidadi aumenta pa Aprendizizes di Inglês i Edukason Spesial

Na tudu kes trêś árias, orsamentu di skolas ten aumentadu pa un total di \$9.341.217 desdi pruposta orijinal. Noventa i oitu skolas dja odja aumento na ses orsamentu individual desdi di 2 di fevereru.

Mudansas na Orsamentu Sentral

Tevi un kuantidadi di pikenu mudansas na orsamentu prupodu pa departamentus sentral. Es é más limitadu en skopu i ta representa transferensia entri departamentus sentral i entris tipos di kontas dentu di un departamentu.

Uniku mudansa na orsamentu sentral refletidu na tabelas ta involvi adison di funksionários di apoio sentral pa investimento na biblioteka. 1 postu di tenpu integral foi adisionadu, un Diretor Adjuntu di Servisus di Biblioteka. Foi adisionadu fundus tanbé pa orsamentu operasional di servisus di biblioteka pa kubri taxas di sistema di bibliotekas na skolas. Es mudansas ta totaliza \$346,087 ki adisionadu pa departamentu di Akadémikus.

Dja-m diresiona timi di finansas pa faze alguns mudansas pa orsamentu sentral basiadu na sugeston ki nu resebi duranti prusesu di orsamentu. Kes mudansas ka sta refeltidu na orsamentu atual, má es ta ser inkorporadu asin ki timi di finansas ten oportunidadi di identifika kustus unikus kompensatorios ki pode ser transferidu pa otu fonti di finansiamentu. Es ta inklui:

- 1 milyon en finansiamento adisional pa Divizon di Ekuidadi, Stratéjia i Lakunas di Oportunidade pa apoia Coorte di Lideransa Stratéjika Antirrasista, Programason Inovadora Diresionada, Konsulta di Pulítikas OAG i Disenvolvimentu Prufisional.
- \$800 mil en fundus adisional pa Skritório di Rekrutamentu, Kultivason, i Diversidadi pa spandi varius inisiativas i prepara proativamenti pa falta di pesoal antisipadu ki ta inpakta komesu di AL 22-23.
- \$500 mil pa Departamentu di Atletimos pa spandi timi sentral pa apoia i kordena programas atletikus di distrito interu.

Ta serba un negligensia di nha parti sin N terminaba es karta sen agradesi ekipa dedikadu ki djuda-m disenvolvi es orsamentu, inkluindu nos líderes di skolas, konsedjus lokais di skola, ekipa finansera i chefis di departamentu. Es ta representa kel midjor di BPS ki ta inkorpora nos

Pájina2

konprumisu pa nos alunus, nos familias i nos komunidadadi.

Sinseramente,

Dr. Brenda Cassellius
Superintendente